



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 21. Mansfeldius, & Brunsvicensis ab Hispanis Floriaci prælio devicti.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

non WORMATIAM & TILLIUS WIMPFE-
 nam præfidiis onerarint: Eapropter Sa-
 xoniæ Electorem rogabant, ut quid
 inter tantas afflictiones consilii cape-
 rent, suggerere dignaretur: Magista-
 men apposite a Ferdinando Cæsare,
 aliisque Principibus & urbibus Catho-
 licis sciscitari potuissent hi Sectarii,
 quale Catholici hi, Protestantium re-
 bus prospere fluentibus, inter tantas
 afflictiones, quibus Bohemia, Hun-
 garia, Austria, & Imperii Principa-
 tus a Protestantibus vexati fuere, con-
 silium ceperint? Nihilominus Saxonie
 Elector, quem jam tum Cæsaris victo-
 riæ male habebant, Moguntinum Ele-
 ctorem, necnon Hassiæ Landgravium
 interpellabat, ut interposita sua aucto-
 ritate Cæsarem urgerent, quatenus
 servata Aschaffenburgani & Ulmen-
 sis transactionis fide civitatum querelis
 remedium adhibeatur, eisque sua pri-
 vilegia restituantur.

Sæc. XVII.
 A. C. 1622.

§. XXI.

*Mansfeldius & Brunsvicensis ab Hi-
 spanis Floriaci prælio devicti.*

Postquam Mansfeldius, & Brunsvi-
 censis Dux Pseudo-Episcopus Hal-
 berstadiensis multiplici clade protriti,
 ac Friderici stipendiis soluti fuere, a

*Barre l. c.
 Brachel. l. 2.
 pag. 56.
 Lotich. l. 12.
 cap. 4.*

foede-

Sæc. XVII. foederatis Belgii Ordinibus acciti ma-
 A. C. 1622. gnis itineribus in Brabantiam conce-
 ferunt. Cum autem Mansfeldius, vel-
 uti laborantibus Hugonotis a Bullio-
 nio Duce Calvinistarum Patrono roga-
 tus, auxilio esse intenderet, & Seda-
 num versus pergere simularet, quini-
 mo jamjam Mosomum urbem cingeret,
 Corduba Hispani exercitus Dux Lucem-
 burgum castra movit, Nivernius autem
 Dux Mansfeldium repressurus, copias
 illico contraxit: Mansfeldius igitur a
 gemino exercitu cingi veritus, aliunde
 militum transfugio, atque annonæ
 penuria pressus, Mosomi oblidionem
 solvit, ac per Teorascianam ditionem
 in Hannoniam penetrare decrevit, pro-
 pe Bergam ad Somam castra metatu-
 rus, eo quod tum Spinola hujus urbis
 obsidioni intentus esset. Verum Cor-
 duba, qui tum Monasterioli hærebat,
 per Nivernium Ducem de Mansfeldii
 & Brunsvicensis discessu edoctus, mox
 copias suas cum Burgundicis conjun-
 xit, hostemque apud Floreacum haud
 procul Namurco affecutus est: Utro-
 que igitur exercitu in aciem disposito
 ad prælii necessitatem ventum est. Pu-
 gnatum utrinque acriter Augusto Men-
 se; minus tamen prospere ab Hispanis
 Equitibus; hi enim jamjam nutassent
 in fugam, nisi Embdana & Isenburgica
 legio-

legiones immota vincendi aviditate res
 labantes restituisent: Aliquamdiu igitur æquo Marte, parique cæde dimi-
 catum, tandem vero Mansfeldiani Hi-
 spanorum fortitudini impares, cæsi, fu-
 gati sunt, Corduba quoque fugitivos stre-
 nue insecutus, cæsis quamplurimis
 captos magno numero reduxit, cuncta-
 que belli tormenta, & sarcinas in suam
 redegit potestatem: Ex Mansfeldianis
 plusquam quinque millia cecidere, nec
 vilia tamen omnia, nec illa ilacrimata
 suis capita, quorum potissimi erant Fri-
 dericus Saxo - Vinariensis Dux, &
 Ortenburgicus Comes: ipse etiam Chri-
 stianus Halberstadiensis brachium ami-
 sit; adacto enim per manum sclopeti
 globo, dum in ipso pugnandi ardore
 vulnus curari negligeret, putrescente
 carne vicina, & imminente gangræna
 ad summum usque humerum chyirurgi
 ferro brachium refecari oportuit, ita
 disponente vindice Deo, ut novus hic
 Iconoclasta humerum pro humero,
 quem Divi Liborii imaginis nuper ferro
 avulserat, rependeret: Hæc tamen
 corporis mutilatio mentis ferociam ad-
 eo non temperabat, ut etiam cognito
 Hispani Tubicinis adventu, eidem di-
 ceret: *Vade, & nuntia Marchioni Spi-
 nolæ, amisisse me brachium, sed superesse ad-
 huc alterum, quo in hostes propediem utar.*
Hist. Eccles. Tom. LVII. Gg Post-

Sæc. XVII.
 A. C. 1622.

*Adler, an-
 nal. Boici
 p. 3. l. 7.
 p. 107.*

Sæc. XVII. Postquam igitur e viginti quinque cir-
A. C. 1622. citer armatorum millibus nonnisi duo-

Brogohsom.

Newville hist.
d' Hollande
t. I. p. 239.

decies mille prælio superessent, Mansfeldius, & Brunvicensis collectas exercitus sui reliquias Mauritio Arausionensi Principi, pacto mensium aliquot stipendio junxere, non sine magno Hispanorum dispendio; cum enim Spinola & Ludovicus Velascus die decima septima Julii Bergam ad Sommam cingere inciperent, & jamjam per integrum trimestre, datis ultro citroque cladibus, validisque Spinolæ impressionibus urbs in apertum expugnationis proximæ discrimen devenisse videretur, Mauritius Mansfeldii auxiliis, necnon Friderici Henrici Fratris sui, qui cum novem millibus quingentis Bergensis Comitis motus antea observaverat, copiis auctus, Spinolam eo adegit, ut Anholtii, Saxo-Lauenburgici, & Holsatiæ Ducum suppetiis incassum expectatis, die secunda Octobris obsidionem solveret, quin vel præfidiarii aut Mauritius aut quisquam alius per integrum biduum Spinolam insequi auderet. Tantum etiam victori terrorem incutere valet comprobata Belliducis vincere assueti fama. Postea die quarta ejusdem Mensis Mauritius cum Mansfeldio urbem ingressus, recuperata Sternberga prælium, ad quod eum Spinola

nola Anholtii Comitis copiis suffultus, Sæc. XVII.
 provocaverat, ignave declinabat, Ha- A. C. 1622.
 gam Comitis reversus. Spinola au-
 tem Montensem Comitem cum valido
 agmine Pfaffenmutzum decrevit, ut
 tandem hoc propugnaculum a Batavis
 defensum, atque a Neoburgici Ducis
 copiis obsessum ad deditioem coge-
 ret: nec Bergensis conatui prosper de-
 erat successus; tanto enim impetu ar-
 cem tormentis bellicis quatiebat, ut
 Batavi semestris obsidionis laboribus
 fracti, deditioem leges inirent, die se-
 cunda Januarii anni sequentis propu-
 gnaculo egressi, quod Isabella Belgii
 Princeps mutato, quod in Sacerdotum
 ludibrium ab hæreticis fuit inditum,
 nomine deinceps *arcem Isabellæ* vocari
 voluit, hoc tamen ipsum propugnacu-
 lum ipsemet Coloniensis Senatus solo
 æquari, a Cæsare postmodum petiit.

§. XXII.

*Catholica fides in Silesia & Moravia
restaurata.*

Eo tempore, quo Jægerndorffius Bran- Carafa
 deburgicus a Silesia absens erat, Germ. rest.
 hujus Ducatus Ordines, ac Saxonix Merc. t. 9.
 Electoris milites Wagestadio, Troppa- lib. 2.
 via, Odera, & Teschino occupatis. quin-
 que dierum spatio quadraginta peditum
 Gg 2. Equi-